

von den bekehrten vnglaubigen / deren ein
solche Anzahl ist / als von einem Apostolischen
Mann kan erwartet werden. Sein er-
ster anfang mit den Heyden zuhandlen hat
er zu Melinda / so ein Statt in Africa ist /
gemacht / als er im fürvberschiffen von Lissa-
bona gegen India alldort außgestanden.
Mit einem Machometischen Pfaffen hielt
er Gespräch von vnserem heyligen Glauben /
den er zwar nit dazumahl bekehrt / aber doch
so weit berath / daß er versprochen diesen
Glauben anzunehmen / wosern in zwey
Jahren der Machomet nit wurde auß dem
anderen Leben kommen vnd sie heimsuchen.

Von diesem geringen Anfang / ist er im-
merdar mehr vnd mehr fortgeschritten.
Dann in der Insul Socotoca / welche auch
in Africa vnd den in Indiam reysenden
auff dem Weg / vnd nit weit von dem Arabi-
schen Meer ligt / als er auffss Land gestigen /
hat er ein grosse mänge der vnglaubigen
getaufft / vnd ware willens länger sich auff-
zuhalten / biß er die ganze Insul in dem
Glauben vnderwise: ist ihm aber von dem